



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Svpplementvm Tertiæ Partis

Thomas <von Aquin, Heiliger>

Romae, 1619

Vtrum hoc sacramentum habeat aliquam formam? 7

urn:nbn:de:hbz:466:1-38817

nō autem in vsu: & ideò prope loquendo, illud quod est materia sacramenti, non est quid consecratum: vnde nō praexigitur aliqua sanctificatio circa materiam per episcopum facta, sed exigitur sanctificatio altaris, & huiusmodi; & etiam ipsius sacerdotis, quæ non nisi per Episcopum fieri potest. Vnde in illo etiā sacramento ostenditur potestas sacerdotalis ab Episcopo deriuata, vt Dionys. dicit †. Ideò autem illam *ex cap. 3. eccl. hier.*

consecrationem materiæ potest facere sacerdos, quæ est in se sacramentum, & non illam, quæ vt sacramente quoddam ordinatur ad sacramentum, quod consistit in vsu fidelium: quia quantum ad corpus Christi verum, nullus ordo est supra sacerdotium; sed quantum ad corpus Christi mysticum, Episcopalis ordo est supra sacerdotalem, vt infra dicetur †.

q. 40. a. 4.

Ad secundum dicendum, quod materia sacramenti non est talis materia, vt in qua fiat aliquid per eum quia virtut, sicut est in artibus mechanicis; sed vt eius virtute aliquid fiat: & sic participat aliquid de ratione causa agentis, in quantum est instrumentum quoddam diuinæ operationis. Et ideò oportet quod à superiori arte, vel potestate talis virtus materiæ acquiratur. Quia in causis agentibus quanto aliquod agens est prius, tanto est perfectius: in causis autem pure materialibus quanto materia est prior, tanto imperfectior.

ARTIC. VII.

¶ Num hoc sacramentum habeat aliquam formam? 117
Tho. ubi
sup. ar. 4.
q. 1. C.
seqq.

Ad septimum sic proceditur. Videatur, quod hoc sacramentum non habeat aliquam formam. Cum enim efficacia sacramentorum sit ab institutione, & item à forma, oportet quod forma tradatur ab ipso, qui sacramentum instituit. Sed forma huius sacramenti, non invenitur tradita neque à Christo, neque ab Apostolis. Ergo hoc sacramentum non habet aliquam formam.

¶ Præterea, Ea quæ sunt de necessitate sacramenti, obseruantur eodem modo apud omnes. Sed nihil magis

magis est de necessitate sacramenti habentis formam, quam ipsa forma. Ergo cum non sit aliqua forma communiter obseruata ab omnibus in hoc sacramento, quia diuersi diuersis verbis vtuntur; videtur, quod hoc sacramentum non habeat aliquam formam.

Hugo de S. Viti. Præterea, In baptismo non requiritur forma nisi ad sanctificationem materiæ, quia est aqua verbo vita diluendis criminibus sanctificata *. Sed hoc sacramentum habet materiam prius sanctificatam.

Ergo non indiget aliqua forma verborum. **Sed contra est,** quod Magister † dicit, quod omne sacramentum nouæ legis consistit in rebus & verbis. Verba autem sunt forma sacramenti. Ergo cum hoc sit sacramentum nouæ legis, videtur, quod habeat formam.

¶ Præterea, Ad hoc est ritus uniuersalis ecclesiæ, quæ quibusdam verbis vtitur in collatione huius sacramenti.

RESPONDEO dicendum, quod quidam dixerunt, quod nulla est forma de necessitate huius sacramenti. Sed hoc videtur derogare effectui huius sacramenti.

Quia omne sacramentum efficit significatio significatio autem materiæ non determinatur ad effectum determinatum, cum ad multa se possit habere, nisi per formam verborum: & ideo in omnibus sacramentis nouæ legis, quæ efficiunt quod figurant, oportet esse, & res, & verba. Et præterea Iacobus totam vim huius sacramenti videtur constituere in oratione, quæ est forma huius sacramenti, ut dicitur *.

Et ideo prædicta opinio præsumptuosa videtur & erronea. Et propter hoc dicendum, sicut commentator dicitur, quod habet formam determinatam, art. et q.

Ad primum ergo dicendum, quod sacra Scriptura omnibus communiter proponitur: & ideo forma Baptismi, qui ab omnibus dari potest, debet in sacra Scriptura exprimi: & similiter forma Eucharistie;

quæ exprimit sacramenti illius fidem, quæ est de necessitate salutis. Sed formæ aliorum sacramentorum non inueniuntur in sacra Scriptura traditæ: sed has ecclesia ex traditione Apostolorum habet, qui à Domino acceperunt: ut dicit Apost. i. Cor. 11. Ego enim accepi à Domino, quod & tradidi vobis, &c.

Ad secundum dicendum, quod illa verba, quæ sunt de essentia formæ, scilicet oratio deprecativa, ab omnibus dicuntur: sed alia, quæ sunt de bene esse, non obseruantur ab omnibus.

Ad tertium dicendum, quod materia baptismi habet quamdam sanctificationem per se ex ipso tactu carnis Salvatoris: sed ex forma verborum accipit sanctificationem actu ad sanctificantem: & similiter post sanctificationem materię huius sacramenti secundum se, requiritur sanctificatio in visu, per quam actu sanctificetur.

ARTIC. VIII.

Vnum formam huius sacramenti debet proferri per orationem indicatiuam, & non per deprecatiuam?

118

A dicto octauum sic proceditur. Videtur, quod forma huius sacramenti debet proferri per orationem indicatiuam, & non per deprecatiuam. Quia omnia sacramenta nouæ legis habent certum effectum. Sed certitudo effectus non exprimitur in formis sacramentorum, nisi per orationem indicatiuam, ut cum dicitur, hoc est corpus meum, vel ego te baptizo, &c. Ergo forma huius sacramenti debet esse oratio indicatiua.

¶ 2 Præterea, In formis sacramentorum debet exprimi intentio ministri, quæ requiritur ad sacramentum. Sed intentio conferendi sacramentum, non exprimitur nisi per orationem indicatiuam. Ergo, &c.

¶ 3 Præterea, In quibusdam Ecclesijs dicuntur haec verba in collatione huius sacramenti, Vngo hos cœlos oleo sanctificato, in nomine Patris, &c. Et hoc est